

**IOWA DEPARTMENT EO AN JIMWE IM MAROÑ KO AN ARMEJ (HUMAN RIGHTS)  
DIVISION EO AN COMMUNITY ACTION AGENCIES**

**BŪROOKRAAM IN JIPAÑ AN LOW-INCOME IKIJJIEN JAROM AK ENERGY ÑAN IMŌN JOKWE  
KILEN APPEAL IM IEN ROÑJAKE AK HEARING**

Juon eo ear apply emaroñ kōmman an appeal ejañne ear jab tōprak application eo an, ak kar kōjbal mejele ko rebwōd ak wāween jerbale im etale ñe emaroñ bōk jibañ eo, joñan jibañ eo, ak jerbale in jibañ ko jet, eaar jab jimwe im ekkar. Ewōr an eo ear apply 30 raan jen raan eo ilo leta in kōtōprak ak jab kōtōprak application eo ñan an appeal i jemlōk eo ilo an jilkinlōk kajittōk eo ñan appeal ilo mail ñan local administering agency eo (LAA) ijo application eo eaar kōmman ie.

Ejañne LAA ejab kōtōprake ak ejab jab kōtōprake application eo ilowaan 30 raan jen raan eo raar loe application eo ededeļok kanne, eo eaar apply emaroñ likūt bwe an ejellok men en rej kōmmane ej mejelein bwe ejab tōprak. Innem ewōr an eo ej apply bar 30 raan ñan an appeal.

Ñan appeal, eo ear apply (ri-claim eo) eaikuj jilkinlōk appeal eo an ilo jeje ñan LAA ijo raar apply ie, im kopaik ta eo ri-apply eo ekōnaan bwe ren kōmmane, im jabdewōt mejele ko jet remaroñ jelōt jemlōk eo. Ri-claim ro rejjab maroñ riit ak jeje remaroñ kajittōk bwe LAA en jibañ er riiti, je, ak mejele kōn kilen appeal, iien roñjake ko, im wāween ko jet.

LAA enaaj jerbale kajittōk eo an ri-claim eo im kōjelaik ri-claim eo kōn alikkar in kajittōk eo ilo jeje ilowaan jiljilimjuōn raan jen raan eo kajittōk eo ñan appeal eaar kōmman (raan eo ej waļok ilo kōkalle eo an post office ñe kar jilkinlōk ilo mail).

Ejañne ri-claim eo ejjab errā ilo jemlōk eo kar kōmmane, ri-claim eo emaroñ jeje ñan LAA ilowaan 14 raan jen raan eo jemlōk eo ear eaar kōmman (raan eo ej waļok ilo kōkalle eo an post office ñe kar jilkinlōk ilo mail) im kajittōk bwe en kōmman juōn iien roñjake an state ippān Division eo an Community Action Agencies (DCAA). Ri-claim eo eaikuj kōmejeleik ilo jeje etke ej appeal i jemlōk eo an agency eo im kopaik jabdewōt mejele ko remaroñ jelōt jemlōk eo.

LAA enaaj lelok aolep mejele ko kōn kajittōk eo ñan iien roñjake ñan DCAA im naaj karōke juōn iien roñjake ilowaan 14 raan jen raan eo kar loe appeal eo im kajittōk eo ñan iien roñjake. Enaaj etal kōjellā ilo jeje ñan ri-claim eo jen division eo kōn iien roñjake eo an state im kar karōke. Ilo kōjellā eo enaaj kwaļok raan eo, awa eo, im jikin eo iien roñjake eo enaaj kōmman ie. Emaroñ kōmman iien roñjake eo an state ilo talboon ilo iien eo emman ñan aolep ak ilo an aolep pād ippān doon ilo juon jikin. Naaj etali aolep mejele ko ilo iien roñjake eo, innem division eo enaaj kōmmane jemlōk eo an ilowaan 7 raan.

Client eo emaroñ appeal i jemlōk eo an DCAA ñan Department eo an Inspection im Appeals (DIA) an Iowa. Client eo eaikuj jilkinlōk appeal eo ilo jeje ñan DCAA ilowaan 7 raan (raan eo ej waļok ilo kōkalle eo an post office ñe kar jilkinlōk ilo mail) jen raan eo kar loe jemlōk eo an division eo. Division eo enaaj loor kilen im wāween appeal āinwōt an alikkar ilo 481 – Jepta 10 in Iowa Administrative Code.